



Publicaziuns dalla vischnaunca, jamna 47

Elecziun complementara dalla suprastonza communal

Ils 25 da november 2018 ha liug l'elecziun complementara d'in commember/d'ina commembra dalla suprastonza communal pils onns 2019/2020. Enteifer il termin prescret ei suandonta proposta per l'elecziun vegnida inoltrada:

– Jacomet Wendelin, 1961, Mumpé Medel.

La presentaziun dil candidat cun las indicaziuns personalas ed ina fotografia ei aschuntada alla documentaziun da mintga votanta e votant.

Reglas da votar

1. Ils votants ston emplenir ora ils cedels da **votar persunalmein ed a maun**. Cedels buca empli ora a maun, che cuntengan indicaziuns disfamontas ni che tradeschan il votant sco era tals ch'ei buca legibels ni che manifesteschan buca clar la voluntad dil votant ein buca valeivels.
2. Sco cedels da votar ein mo ils cedels ufficials valeivels. Ins astga buca duvrar la gliesta da candidats sco cedel da votar.
3. Ils votants san votar per corrispondenza ni all'urna. Mintga votant sto presentar la carta da legitimaziun. Ils cedels vegnan bullai all'urna.
4. Eligiblas ein era personas cul dretg da votar che figureschan buca sin la gliesta da candidats.
5. Sil medem cedel da votar astga vegnir scret mo in e buca plirs nums da personas eligiblas.
6. Substituziun ei buca lubida.

Suprastonza communal

Votaziuns federalas, votaziun cantunala ed elecziun communal dils 25 da november 2018

L'urna principala en casa communal ei aviarta sco suonda:
Dumengia, 25-11-2018, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 23 da november 2018, allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 25 da november 2018 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2018 – 1034.000

Giger SA, Drun, 7188 Sedrun; construcziun d'in niev baghetg da mistregn cun localitads d'exposiziun sin parcella 188 a Pignola, Via Foppas 110, 7186 Segnas.

Disentis/Mustér, ils 20 da november 2018

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2018–2099.000

Monica Cajacob-Candinas, Via Lucmagn 3A, 7180 Disentis/Mustér; differentas lavurs da meglierament tier la via d'access al mises Candinas sin parcella 3291, 7186 Segnas.

Nr. 2018–2101.000

Aluis ed Iso Albin, Via Funs-Dado 4, 7180 Disentis/Mustér; remplazzament dallas schalusas vid la casa sin parcella 597, Via Funs-Dado 4, 7180 Disentis/Mustér.

Nr. 2018–2103.000

Artavels Alfons Manetsch-Derungs, Via Lucmagn 13, 7180 Disentis/Mustér; spazzar l'annexa vid la casa sin parcella 786, Via Lucmagn 13, 7180 Disentis/Mustér.

Nr. 2018–2105.000

Annalis e Giusep Caduff-Gadola, Via Alpsu 9, 7180 Disentis/Mustér; sanaziun dil tetg dall'annexa vid la casa sin parcella 3942, Via Lucmagn 6, 7180 Disentis/Mustér.

Nr. 2018–2106.000

Vischnaunca Disentis/Mustér, Via Cons 2, 7180 Disentis/Mustér; tschentar in baghetg per occurrenzas (Fondueplausch etc.) duront il temps d'unviern sin parcella 1351, Via Alpsu 51, 7180 Disentis/Mustér

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 20 da november 2018

Uffeci da baghegiar Disentis/Mustér

Cussegl da vischnaunca

Rapport dalla seduta dils 15-11-2018

En sia seduta dils 15 da november 2018 ha il cussegl da vischnaunca, sut il tgamun d'Armin Manetsch, tractau il preventiv 2019 e la damonda da credit per ina remisa pil menaschi tecnic a Sogn Placi. La tractaziun dil preventiv 2019 ei vegnida tgamunada da vicepresidente Armin Berther. Il quen da gudogn e sperdita preveda expensas da frs. 15,40 milliuns ed entradas da frs. 15,58 milliuns. Aschia seresulta in surpli d'entradas da frs. 180 000.–. Dallas investiziuns nettas da rodund 2,91 milliuns francs pertuccan rodund frs. 305 000.– las vias cantunalas e communalas ed 1,16 milliuns francs la dismessa e purificaziun dall'aua (canalisaziuns e sereneras). Per projects forestals (avertura uaul Run e la Via Sars–Brulf) ei previu d'investar netto frs. 330 000.–. Il cash-flow munta a frs. 1,52 milliuns. Il cussegl da vischnaunca ha suenter ina buna e fundada discussiun approbau unanimamein il preventiv 2019, fixau per 2019 il pei da taglia sin entradas e facultad sin 120% e la taglia sin schischom sin 1,7%o (sco entochen dacheu). Plinavon ha il cussegl concediu il credit net da frs. 216 000.– per ereger a Sogn Placi ina remisa pil menaschi tecnic. Aschibein il preventiv 2019 sco era il credit per ina remisa pil menaschi tecnic vegnan suttamess al referendum facultativ conform ad art. 21, lit. a resp. c dalla constituziun communal.

Suprastonza communal

Referendum facultativ

A caschun da sia seduta dils 15 da november 2018 ha il cussegl da vischnaunca approbau unanimamein il preventiv 2019. Plinavon ha il parlament communal concediu cun dudisch encunter duas vuschs (ina abstenziun) in credit net da frs. 216 000.– per ereger a Sogn Placi ina remisa pil menaschi tecnic. Conform ad art. 21 lit. a resp. c dalla constituziun communal ein quellas decisiuns suttamessas al referendum facultativ. Il messadi tiel preventiv 2019 (incl. annexas) sco era il messadi davart il credit per la construcziun d'ina remisa a Sogn Placi ein exponi per envesta en casa communal (stanza nr. 10).



Enteifer 20 dis dapi la publicaziun officiala han 80 votants la pusseivladad d'inoltrar enviars sura conclus il referendum e pretender ina votaziun dil pievel.

Suprastonza communal

Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas immediatamein suenter la pasculaziun. Quei vala era per seivs da gatter. Las seivs buca allontanadas vegnan pridas naven senza avisar ils pertuccai sin donn e cuost dil proprietari da terren. Nus supplichein da prender enconuschientscha da quei fatg e d'instradar las mesiras prescrettas.

Uffeci da baghegiar

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la fin da november 2018. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietari.

Disentis/Mustér, november 2018

Uffeci da baghegiar Disentis/Mustér

Premi Desertina 2019

Nus envidein vischinas e vischins sco era uniuns ed instituziuns da far propostas per nominaziuns. Las propostas ein d'inoltrar entochen ils 17 da december 2018 alla presidenta dalla cumissiun, geraua Iris Lombris, Via Dulezi 6, 7180 Disentis/Mustér. Las propostas san era vegnir annunziadas via posta electronica all'adressa iris.lombris@kns.ch. Premiai vegnan personas privatas sco era instituziuns ed organisaziuns. Ils undrai ston esser domiciliai en vischnaunca ni haver ina relaziun speciala cun la vischnaunca. Ulteriurs sclariments sur dil Premi Desertina anfleis Vus sin la pagina d'internet dalla vischnaunca da Mustér www.disentis.ch Sport/Temps liber/Cultura ni sut Servis/Spurtegl virtual/Leschas/300 Reglament Premi Desertina.

Cumissiun Premi Desertina

TalentSchule.Surselva

Wettbewerb an der EX18 Disentis

Die Gewinner siehe unter Gemeinde Ilanz/Glion.

Uniun da dunnas Disentis/Mustér

Sentupada cun affons pigns e geniturs

La grappa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la grappa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.



Uniun da dunnas Disentis/Mustér

Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la grupp da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta. Las sentupadas duessen plinavon era far queidas als affons da visitar pli tard la grupp da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **ils 27 da november 2018**

Temps: 14.30–16.00
Liug: Casa da scola Segnas, local Artgin, ella 1. alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch
Cordialmein envida
Uniun da dunnas, ressort affons

Tri tra trallala, il casparet vegn puspei

Bugen envidein nus tut ils affons en accompignament dad ina persuna carschida ad in teater da casparet. Il toc senumna «Gionin sto ir tiel dentist» e ha liug mesjamna, ils 28 da november 2018 allas 14.30 el Center d'agricultura Surselva a Salaplauna. Silsunter dat ei ina pintga sorpresa pils affons e stiva da caffè.

Nus selegrein sin vossa viseta!

Cordialmein envida

l'Uniun da dunnas Disentis/Mustér, ressort affons

Pleiv s. Gions/Mustér

Invitaziun ad ina radunonza generala extraordinaria dalla Pleiv s. Gions/Mustér sin **mardis, ils 27 da november** allas 20.15 en halla communal Cons/Mustér

Tractandas:

1. Beinvegni ed elecziun da dus dumbravuschs
2. Elecziun dalla presidenta dil cussegl pastoral
3. Sanaziun dalla casa pervenda: Credit da frs. 125000.–
4. Informaziun davart la successiun dil plevon
5. Varia

Ina renovaziun interna dalla casa pervenda ei pli che necessaria. La suprastonza less nezegiar il temps suenter la partenza da sur Georg entochen l'arrivada dil niev plevon per far quellas lavurs da renovaziun. Ina decisiun pér a caschun dalla proxima radunonza generala tonscha denton buca per saver exequir las lavurs ad uras. Ord quei motiv cloma la suprastonza dalla pleiv ad ina radunonza extraordinaria. Cun quella caschun lein nus era informar Vus davart nossas retschercas per in successur da sur Georg ed oravontut era davart in eventual niev plevon cheu a s. Gions. Bugen sperein nus sin ina stedia participaziun.

Per la suprastonza dalla Pleiv s. Gions/Mustér:

Il president: Aldo Tuor

Il vicepresidente: Gion Tenner

Uniun da dunnas Disentis/Mustér

Sentupada cun affons pigns e geniturs



La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: ils 27 da november 2018

Temps: 14.30–16.00

Liug: Casa da scola Segnas,
local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut
www.uddm.ch

Cordialmein envida Uniun da dunnas, ressort affons

Fiera da Nadal a Cuera

Venderdis, ils 30 da november 2018 fagein nus nies viadi alla fiera da Nadal da Cuera. Partenza dil tren per Cuera ei las 14.44 A Cuera visitein nus la fiera da Nadal el marcau vegl e returnein pli tard la sera puspei cul tren a casa. Per il bigliet dil tren mira mintga participonta sezza; per quei temps vala l'acziun dalla viafier retica «Silberdistel» cun ina carta dil di per prezi reduciu.

Annunzias entochen ils 25-11-2018 pren bugen encunter: Sandra Deflorin, telefon 076 381 26 27, ni e-mail uddm@bluewin.ch.

Café da sentupada/Begegnungscafé

Finissage zur Ausstellung «A better world is possible». Begegnungen und Gespräch mit Asylsuchenden aus dem Transitzentrum Bellavista. Alle sind herzlich eingeladen am **Montag, 26. November 2018**, von 17–19 Uhr im Gemeindezentrum Aua Viva in Disentis dabei zu sein.

Uniun samaritana

L'acziun da spender saung per donaturas e donaturs dallas vischnauncas da Medel e Mustér ha liug: Gliendisdis, ils 26 da november 2018 dallas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Uniun samaritana Mustér

SENIORA-CA

Envida ell'Aua Viva. Mintg'onn la davosa gievgia da november serimnan ils seniors/las senioras dall'entira vischnaunca da Mustér tier in bien gentar da cumpignia. Lein cuntinuar cun quella buna tradiziun dapi biars onns!

Gievgia, ils 29 da november 2018, allas 12.00. Annunzia tochen gliendisdis, ils 26 da november allas 17.00 sut 081 929 56 56. Sch'enzatgi drova transport, era gest indicar. Autras informaziuns: Linus Maissen, 079 423 01 37

Advents-Kindertreff im Aua Viva

Am Samstag, 1. Dezember, findet von 10–11.30 Uhr der zweite Kindertreff in diesem Jahr im Aua Viva statt. Wir wollen zusammen singen, Geschichten hören, basteln, spielen und Spass haben! Der Kindertreff steht unter dem Motto Advent und ist offen für reformierte und andere interessierte Kinder von ca. 4-10 Jahren.



Auch Eltern sind willkommen, wenn dies die Kinder wünschen.
Weitere Auskünfte und Anmeldung bei Bettina Müller Hendry, 078 808 58 53.
Wir freuen uns auf einen fröhlichen Morgen!

*Yvette Riesen, Eva-Katharina Tomaschett,
Susanne Strupler, Bettina Müller Hendry*

Sontgaclau da Segnas/Acletta

Sontgaclau viseta ils 8 da december 2018 las famiglias da Segnas-Acletta. Ils organisaturs ein engrazieivels sche Vus tarmetteis gia ordavon enqual cavazzin sur dils presents, en special sur dils affons entochen ils 5 da december 2018 a Rafael Maissen, Via Acletta 22, 7180 Mustér, e-mail: rafaemaissen@bluewin.ch
Igl oremus vegn prelegius la sonda sera da Sontgaclau, ils 8 da december 2018 allas 21.00 avon baselgia ad Acletta ed allas 23.00 ell'ustria «Cresta» a Segnas. Ei fagess grond plascher d'astgar beneventar ad Acletta era vischins da Segnas ed il cuntrari. Cordial engraziament

Uniun da giuventetgna Segnas-Acletta

Sontgaclau 2018

Sonda, ils 8 da december 2018 viseta il Sontgaclau Vitg las famiglias dalla fracziun Vitg.

- 13.30 viseta ellas ustrias dil vitg
- 15.30 messa da Sontgaclau, baselgia parochiala s. Gions
- 16.30 sentupada cun Sontgaclau tier la halla Cons

Silsuenter viseta il Sontgaclau da Vitg las casadas. Il Sontgaclau viseta era uonn bugen Vus a casa.

Vossa annunzia per mail sontgaclauvitg@hotmail.com fagess a nus grond plascher.
Cordials salids

Uniun da giuventetgna Mustér/Fracziun Vitg